

PM bersyukur RPK bersihkan namanya, Rosmah
Malaysiakini.com
April 14, 2011

Datuk Seri Najib Razak berkata beliau bersyukur ke hadrat Ilahi berikutan pendedahan penulis blog MalaysiaToday, Raja Petra Kamaruddin bahawa beliau dan isteri, Datin Seri Rosmah Mansor tidak terbabit dalam kes pembunuhan Altantuya Shaariibuu.

Berikutan itu, perdana menteri menganggapnya sudah selesai, lapor Berita Harian Online.

Katanya, beliau menyerahkan kepada anggota masyarakat untuk menilai pendedahan Raja Petra itu.

Beliau berkata demikian pada sidang media selepas merasmikan Hotel Seri Malaysia, di Lawas, Sarawak hari ini.

Semalam, Raja Petra - dalam temubualnya dengan pengarang kumpulan TV3 malam tadi - berkata beliau tidak pernah menuduh perdana menteri atau isterinya terbabit dalam kes pembunuhan kes Altantuya Sharibuu.

Sebaliknya, Raja Petra mendakwa, beliau didesak dan dipengaruhi untuk berbuat demikian oleh beberapa individu yang tidak mahu Datuk Seri Mohd Najib Tun Razak mengambil-alih sebagai Perdana Menteri.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/161526>